

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

**24 Ташқи савдо операцияларини амалга ошириш билан
боғлиқ тартиботларни либераллаштиришга доир
қўшимча чора-тадбирлар тўғрисида**

Ўзбекистон Республикаси Президентининг «Ишбилармонлик муҳитини янада тубдан яхшилаш ва тадбиркорликка янада кенг эркинлик бериш чора-тадбирлари тўғрисида» 2012 йил 18 июлдаги ПФ-4455-сон Фармонини бажариш юзасидан Вазирлар Маҳкамаси **қарор қилади:**

1. 2013 йил 1 январдан бошлаб:

товарларни декларациялаш механизмини жорий этиш уларнинг амалда божхона худудига олиб келиниши пайтигача божхона органларига дастлаб-ки декларация тақдим этиш йўли билан амалга оширилади;

импорт контрактларни божхона органларида ҳисобга қўйиш бекор қилинади.

2. Ўзбекистон Республикаси Ташқи иқтисодий алоқалар, инвестициялар ва савдо вазирлиги, Давлат божхона қўмитаси, Марказий банки, Ўзбекистон республика товар-хом ашё биржаси, Алоқа, ахборотлаштириш ва телекоммуникация технологиялари давлат қўмитасининг, кўрсатиб ўтилган вазирликлар ва идораларнинг ягона электрон маълумотлар базасини шакллантирган ҳолда 2013 йил 1 январдан бошлаб экспорт операцияларини божхонада «он-лайн» режимида расмийлаштиришнинг интеграциялашган тизимини жорий этиш тўғрисидаги таклифига розилик берилсин.

3. Гигиеник сертификация қилинадиган (санитария-эпидемиологик хулоса бериладиган) товарлар рўйхати 1-иловага* мувофиқ тасдиқлансин.

4. Ўзбекистон Республикаси Давлат божхона қўмитаси бир ой муддатда:

товарлар Ўзбекистон Республикаси божхона худудига амалда олиб ке-

* 1-илова рус тилидаги матнда берилган.

линиши пайтигача божхона органларига дастлабки божхона декларацияси тақдим этиш тартибини;

импорт қилинадиган товарларни божхонада расмийлаштиришда даврий божхона декларацияси тақдим этиш тартибини ишлаб чиқсин ва тасдиқласин.

5. Ўзбекистон Республикаси Ҳукуматининг 2-иловага мувофиқ айрим қарорларига ўзгартириш ва қўшимчалар киритилсин.

6. Вазирликлар ва идоралар Ўзбекистон Республикаси Адлия вазирлиги билан биргаликда бир ой муддатда ўз идоравий норматив-ҳуқуқий ҳужжатларини ушбу қарорга мувофиқлаштирадилар.

7. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2012 йил 30 декабрь,
379-сон

Вазирлар Маҳкамасининг
2012 йил 30 декабрдаги 379-сон қарорига
2-ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартириш ва қўшимчалар**

1. Вазирлар Маҳкамасининг 1995 йил 11 январдаги 11-сон қарори билан тасдиқланган Автомобилларда халқаро юк ташишларни бажариш учун зарур бўлган асосий ҳужжатлар рўйхати 3-бандининг «г» кичик банди чиқариб ташлансин.

2. Вазирлар Маҳкамасининг «Ташқи савдо операцияларини амалга оширишда хорижий валютадаги маблағлардан фойдаланиш устидан назоратни такомиллаштириш чора-тадбирлари тўғрисида» 1996 йил 13 мартдаги 95-сон қарориди:

а) 1-банднинг биринчи хатбошидаги «ва Ўзбекистон Республикаси Давлат божхона қўмитасига» сўзлари чиқариб ташлансин;

б) 2-бандда:

иккинчи хатбошидаги «импорт қилувчи хўжалик юритувчи субъект давлат рўйхатидан ўтказилган жойдаги Давлат божхона қўмитаси ҳудудий бошқармаларининг валютани назорат қилиш бўлимларида — ҳужжатлар топширилган кундан ташқари икки иш кунда амалга оширилади» сўзлари чиқариб ташлансин;

учинчи хатбошидаги «ва божхона органларининг» сўзлари чиқариб ташлансин;

қўйидаги мазмундаги тўртинчи хатбоши қўшилсин:

«хўжалик юритувчи субъектларнинг импорт операцияларини Давлат божхона қўмитасининг ҳудудий бошқармалари томонидан назорат ва мониторинг қилиш Ташқи савдо операцияларининг ягона электрон ахборот тизими маълумотлари асосида амалга оширилади.»;

в) 1-иловада:

19-банддаги «импорт контрактлари импорт қилувчи корхона давлат рўйхатидан ўтказилган жойдаги Давлат божхона қўмитаси ҳудудий бошқармаларининг валютани назорат қилиш бўлимларида ҳисобга қўйилгандан кейин» сўзлари чиқариб ташлансин;

қўйидаги мазмундаги 22-банд қўшилсин:

«22. Импорт қилувчи корхонанинг хорижий валютадаги ўз маблағлари ҳисобига тўлов амалга оширилган битта хорижий шерик билан импорт қилувчи корхона томонидан тузилган иккита ва ундан ортиқ импорт контрактлари доирасида ўзаро ҳисоб-китобларни амалга оширишга йўл қўйилди.»;

23-банд қўйидаги таҳрирда баён қилинсин:

«23. Импорт контрактлари ваколатли банкдаги ҳисобдан қўйидагича чиқарилади:

1) импорт қилувчининг муружаати асосида:

дебиторлик ва кредиторлик қарзлар бўлмаганда;

фуқаролик қонун ҳужжатларига мувофиқ даъво муддати ўтган кредиторлик қарзлари корхона даромадларига қўчирилганда;

контрактлар бўйича йиғмажилдлар бошқа ваколатли банкларга ўтказилганда — йиғмажилдларни қабул қилиш-ўтказиш далолатномаси асосида;

2) контракт банкда ҳисобга қўйилган санадан бошлаб бир йил ўтгач, агар ушбу муддатда тўлов амалга оширилмаган ва товар (иш, хизмат) импорт қилинмаган бўлса;

3) импорт қилувчи корхона тугатилганда»;

25-банднинг учинчи ва тўртинчи хатбошилардаги «олдиндан» сўзи чиқариб ташлансин;

г) Импорт контрактини ҳисобга олиш ва унинг ҳаракатини назорат қилиш схемасида (Импорт операциялари бўйича контрактларни ҳисобга олиш ва уларнинг бажарилишини назорат қилиш тўғрисидаги низомга илова):

2-банддаги «(муддати — 2 кун)» сўзлари «(муддати — 8 иш соати)» сўзлари билан алмаштирилсин;

3-блок ва 3-банд ўз кучини йўқотган деб ҳисоблансин.

3. Вазирлар Маҳкамасининг «Контрактларни мустақил экспертиза қилиш ва импорт қилинадиган товарларни жўнатишдан олдин назоратдан ўтказиш чора-тадбирлари тўғрисида» 1997 йил 3 декабрдаги 534-сон қарори 5-бандининг тўртинчи хатбошидаги «Давлат божхона қўмитасида ва» сўзлари чиқариб ташлансин.

4. Вазирлар Маҳкамасининг «Ўзбекистон Республикасида ташқи савдо

фаолиятини эркинлаштириш бўйича қўшимча чора-тадбирлар тўғрисида» 1998 йил 31 мартдаги 137-сон қарори 7-бандининг учинчи хатбошидаги «шунингдек корхоналарнинг ўзи ишлаб чиқарган экспортга етказиб бериладиган маҳсулотларни» сўзлари чиқариб ташлансин.

5. Вазирлар Маҳкамасининг 1999 йил 15 апрелдаги 174-сон қарори билан тасдиқланган Биржа ва кўргазма-ярмарка савдоларида тузилган контрактлар бўйича товарлар (ишлар, хизматлар)ни сотиш, сотиб олиш ва уларни олиб чиқиб кетиш тартибда:

а) 15-банддаги «икки иш куни» сўзлари «бир иш куни» сўзлари билан алмаштирилсин;

б) 18-банддаги «аризаси бўйича» сўзларидан кейин «брокерлар томонидан» сўзлари қўшилсин;

в) 20-банд қуйидаги тахрирда баён қилинсин:

«20. Ўзбекистон Республикаси Давлат божхона қўмитаси ёки унинг ҳудудий бошқармалари томонидан расмийлаштирилган экспорт контрактлари бўйича товарни олиб чиқишда юклар жўнатиш жойидаги божхона бўлинмаларига божхона юк декларацияси тақдим этилади».

6. Вазирлар Маҳкамасининг «Экспорт-импорт операциялари мониторингини янада такомиллаштириш чора-тадбирлари тўғрисида» 2003 йил 30 сентябрдаги 416-сон қарорида (Ўзбекистон Республикаси ҚТ, 2003 й., 9-сон, 92-модда):

а) 1-бандда:

биринчи хатбошидаги «Импорт контрактларини ҳисобга қўйиш ва» сўзлари чиқариб ташлансин;

иккинчи хатбоши ўз кучини йўқотган деб ҳисоблансин;

б) 4-банднинг иккинчи хатбошидаги «ва божхона органларида» сўзлари чиқариб ташлансин;

в) 1-иловада:

илованинг номидаги ва 1-банддаги «Импорт контрактларини ҳисобга қўйиш ва» сўзлари чиқариб ташлансин;

II бўлим ўз кучини йўқотган деб ҳисоблансин;

III бўлимнинг номидаги «ҳисобга қўйиш пайтида» сўзлари чиқариб ташлансин;

11-банддаги «мақсадида» сўздан кейин «илова қилинаётган схемага мувофиқ» сўзлари қўшилсин;

12-банддаги «б» кичик банднинг тўртинчи хатбоши чиқариб ташлансин;

13-банддаги «ва Давлат божхона қўмитаси ҳудудий бошқармасининг валюта назорати бўлими» сўзлари чиқариб ташлансин;

15-банднинг иккинчи хатбошидаги «божхона органлари томонидан тасдиқланган» сўзлари чиқариб ташлансин;

16-банд қуйидаги тахрирда баён қилинсин:

«16. Давлат божхона қўмитаси ҳудудий бошқармаларининг божхона постлари ваколатли банк томонидан ТСОга киритилган контракт маълумотларини божхона юк декларацияси маълумотлари билан таққослаши керак

ва тафовутлар бўлмаган тақдирда божхона юк декларациясини қонун ҳужжатларида белгиланган тартибда расмийлаштиради»;

г) Низомга иловада:

илова номидаги «Импорт контрактларини ҳисобга қўйиш ва» сўзлари чиқариб ташлансин;

Схемадаги «Ваколатли банк. Ҳисобга қўйиш ва 2 кундан ортиқ бўлмаган муддатда ахборотни ТСОга киритиш» блоклари «Ваколатли банк. Ҳисобга қўйиш ва 8 иш соати мобайнида ахборотни ТСОга киритиш» блоклари билан алмаштирилсин;

Схемадаги «Ҳудудий божхона бошқармаси. Ҳисобга қўйиш ва 2 иш куни мобайнида ахборотни ТСОга киритиш» сўзлари чиқариб ташлансин.

7. Вазирлар Маҳкамасининг 2005 йил 9 августдаги 189-сон қарори (Ўзбекистон Республикаси ҚТ, 2005 й., 8-сон, 40-модда) билан тасдиқланган Ўзбекистон Республикасининг хўжалик юритувчи субъектлари томонидан хорижий мамлакатлардаги улар ташкил этган савдо уйлари, ваколатхоналар, корхоналар орқали, шунингдек Ўзбекистон Республикаси Савдо-саноат палатасининг хорижий мамлакатлардаги савдо-инвестиция уйлари орқали олиб чиқиладиган товарларни божхонада расмийлаштириш тартиби тўғрисидаги низомнинг 3-банди тўртинчи хатбошидаги «чет элда корхона таъсис этган ташкилотнинг ёки ушбу Низомнинг 6-бандида санаб ўтилган бошқа ташкилотларнинг тегишли маълумотномасини экспортчи томонидан тақдим этган ҳолда» сўзлари чиқариб ташлансин.

8. Вазирлар Маҳкамасининг «Ўзбекистон Республикаси Ҳукуматининг биржа савдоларида тузиладиган экспорт-импорт контрактларини тузиш ва расмийлаштириш тартибини такомиллаштириш билан боғлиқ айрим қарорларига ўзгартириш ва қўшимчалар киритиш тўғрисида» 2006 йил 29 майдаги 96-сон қарорига илова 2-бандининг ўттиз иккинчи — ўттиз саккизинчи хатбошилари ўз кучини йўқотган деб ҳисоблансин (Ўзбекистон Республикаси ҚТ, 2006 й., 5-сон, 36-модда).

9. Вазирлар Маҳкамасининг 2010 йил 21 июлдаги 154-сон қарори билан тасдиқланган Четдан келтириладиган технологик ускуналарни ва уларга эҳтиёт қисмларни, шунингдек компонентларни, хом ашё ва материалларни маҳаллийлаштириладиган маҳсулот ишлаб чиқаришдаги технологик жараёнда фойдаланиладиганлар тоифасига киритиш тўғрисида хулосалар бериш тартиби ҳақидаги низомда (Ўзбекистон Республикаси ҚТ, 2010 й., 7-сон, 38-модда):

а) 4-банднинг еттинчи хатбошидаги «ва божхона органида» сўзлари чиқариб ташлансин;

б) 19-банддаги «контракт ҳисобга қўйилган жойдаги божхона органига ва» сўзлари чиқариб ташлансин;

в) 8-иловадаги «божхона,» сўзи чиқариб ташлансин.

10. Вазирлар Маҳкамасининг «Сертификатлаштириш тартиботларини ва сифат менежменти тизимларини жорий этишни такомиллаштиришга доир қўшимча чора-тадбирлар тўғрисида» 2011 йил 28 апрелдаги 122-сон қарори

(Ўзбекистон Республикаси ҚТ, 2011 й., 4-сон, 30-модда) 1-иловасига кири-тилаётган ўзгартиришлар рус тилидаги матнда берилган.

11. Вазирлар Маҳкамасининг 2011 йил 16 майдаги 136-сон қарори (Ўзбекистон Республикаси ҚТ, 2011 й., 5-сон, 35-модда) билан тасдиқланган Хорижий инвесторлар ва инвестициялар иштирокидаги корхоналар томонидан ўз ишлаб чиқариш эҳтиёжлари учун олиб келинаётган мол-мулкни аниқлаш тартиби тўғрисидаги низомнинг 25-банди ва Низомга 6-илова ўз кучини йўқотган деб ҳисоблансин.

12. Вазирлар Маҳкамасининг 2011 йил 17 ноябрдаги 305-сон қарори билан тасдиқланган «Бир дарча» тамойили бўйича экспортга етказиб беришлар билан боғлиқ тартиботларни амалга ошириш механизми тўғрисидаги Вақтинчалик низомнинг 11-бандида:

тўртинчи хатбоши чиқариб ташлансин;

бешинчи — еттинчи хатбоши тегишли равишда тўртинчи — олтинчи хатбоши деб ҳисоблансин.